

**STATUT**  
**I**  
**SHOQËRISË ME PËRGJEGJËSI TË KUFIZUAR**  
**"NOEL 2020" SHPK**

Në mbështetje të Ligjit nr. 9901, dt.14.04.2008, “Për Tregtarët dhe Shoqëritë Tregëtare” si dhe të Ligjit nr. 9723, dt. 03.05.2007 “Për Qëndrën Kombëtare të Biznesit” me vullnetin e tij të lirë të shprehur dhe në nënshkrimin e Statutit vendosi të formoj shoqërinë:

**I. THEMELIMI**

**Neni 1**  
**Ortaku themelues**

- 1.1 Shoqëria "**NOEL 2020**" **SHPK** themelohet nga ortaku i vetëm z. Altin Hila, shtetas shqiptar, lindur më 16.03.1977, në Berat dhe banues në Tiranë, me numër kartë identiteti H703160751

**II. EMRI. SELIA. FORMA LIGJORE**

**Neni 2**  
**Emri i shoqërisë**

- 2.1 Emri i shoqërisë është "**NOEL 2020**" SHPK.

**Neni 3**  
**Forma ligjore**

- 3.1 Shoqëria është e formës me përgjegjësi të kufizuar (SHPK), në bazë të ligjit Nr.9901, date 14.04.2008, “Për Tregtarët dhe Shoqëritë Tregëtare”.
- 3.2 Shoqëria mund të shndërrohet në një formë tjetër me vendimin e Asamblesë së Ortakut të Vetëm.

**Neni 4**  
**Baza ligjore**

- 4.1 Shoqëria "**NOEL 2020**" SHPK, do të kryejë veprimtarinë e saj në përputhje me këtë Statut, me Ligjin nr. 9901, date 14.04.2008 “Për Tregtarët dhe Shoqëritë Tregëtare” si dhe dispozitat e tjera të Legjislacionit Shqiptar në fuqi.

**Neni 5**  
**Kohëzgjatja**

- 5.1 Shoqëria do të ushtrojë veprimtarinë për një kohë mbi 10 vjet .

- 5.2 Veprimtaria e Shoqërisë fillon që nga momenti i regjistrimit të saj në Qendren Kombetare të Biznesit, Tiranë.

**Neni 6**  
**Selia**

- 6.1 Selia e shoqërisë është në adresën: Berat Lagja Barikada, Rruga Qemal Pulake, Nr 6
- 6.2 Selia e shoqërisë mund të ndryshojë me vendim të Ortakut të Vetëm të shoqërisë.
- 6.3 Shoqëria ka të drejtë të krijojë degë, filiale ose/dhe zyra përfaqësimi në të gjithë territorin e Republikës së Shqipërisë si dhe jashtë vendit.
- 6.4 Shoqëria mundë të marrë pjesë në shoqëri të tjera ekzistuese ose në shoqëri që në të ardhmen do të zhvillojnë veprimtari në territorin e Republikës së Shqipërisë dhe jashtë tij me vendim të ortakeve të saj.

**Neni 7**  
**Vula**

- 7.1 Shoqëria do të ketë vulën e saj që do të përdoret nga administratori.
- 7.2 Forma e vulës dhe përmasat e saj do të përcaktohen nga Ortakët e shoqërisë, në përputhje me kërkesat përkatëse ligjore në Shqipëri.

**Neni 8**  
**Objekti**

- 8.1 Objekti i veprimtarisë së shoqërisë është:
1. Import-export, tregti me shumicë dhe pakicë, kryerjen dhe marrjen pjesë në të gjitha aktivitetet që një shoqëri me përgjegjësi të kufizuar mund të ushtrojë në bazë të legjislacionit shqiptar si dhe cdo aktivitet tjetër të nevojshëm për realizimin e qëllimeve të shoqërisë përfshirë dhe aktivitetin e ofrimit të shërbimeve, tregtimin, importin dhe eksportin e mallrave dhe shërbimeve.
  2. Do të ushtrojë aktivitet privat tregtar në formën e import-eksportit, transportit të mallrave për vete dhe të tretet, tregtimit me shumicë dhe pakicë të artikujve të ndryshëm industriale, ushqimorë dhe jo ushqimorë, prodhime bujqesore dhe blegtorale, duhan, pije alkoolike, aparatura elektrike dhe elektronike, lëndë të para për industrinë ushqimorë, shitje të pjesëve të këmbimit për auto e makineri të ndryshme, vajra lubrifikante, shitje karburantesh etj.
  3. Peshkim, përpunim, grumbullim dhe tregtim me shumicë dhe pakicë peshku, Import Eksport i tyre.
  4. Përpunim dhe tregtim të mallra industriale, ushqimorë, pije, veshmbathje e konfeksione, hidro sanitare, hidraulike, elektrike, elektro shtepiake, materiale ndertimi, produkte bujqesore e blegtorale, fruta perime, bime medicinale, eterovajore e mjeksore, plehra e prodhime kimike, etj.
  5. Import-export, tregti me shumicë dhe pakicë të materialeve dhe paisjeve elektrike dhe elektronike, si dhe aksesoreve të tyre, projektim, instalim, mirëmbajtje të sistemeve elektrike dhe elektronike, trajnim personeli. Shërbime në assemblimin e pjesëve kompjuterike në pajisje audio dhe video bashkë me programet përkatëse, të moduleve të programeve kompjuterike në programe të plota.

6. Blerjen, marrjen e dhënien me qera apo në përgjithësi, shfrytëzimin e pasurive të paluajtshme, perdorimin e paisjeve të shoqërisë për prodhimin e artikujve të çdo lloji dhe dhënien e garancive personave të tretë.
  7. Investime në sektorë të ndryshme të industrisë si në fushën e shërbimeve të ndërtimit dhe të bujqësisë.
  8. Në fushën e industrisë mekanike dhe në fusha të tjera për mallra konsumi në pershtatje me nevojat e tregut të brendshëm shqiptar apo të huaj dhe aktivitet tregtar e turistik.
  9. Në fushën e shërbimeve publike si : Ndërtime civile, industriale, turistike, bujqësore, mbi dy kate dhe kompletimin me instalimet e nevojshme për to. Ndërtim rruge kategoria V,IV, III,II,I dhe rrugë speciale (autostrada).Veshje me asfaltobeton të rrugëve (ndërtim mbishtrësë) si dhe sistemim e asfaltim sheshe. Ndërtim vepra arti të vogla deri 6 metra. Ndërtim ujësjellës kanalizime. Ndërtim vepra kullimi, ujitje tokë e impiante vaditëse. Rikonstruksion godina civile, ekonomike veshje fasadash etj. Montim dhe instalim i impianteve termike ventilimit dhe kondicionimit të ajrit dhe mirëmbajtja e tyre. Punim me metal ,dru.”
  10. Import-Eksport I materialeve për prodhim këpucësh, si lëkurë, shoje, penjë, mastiç, Perçina, materiale plastike e të tjera materiale të këtij lloji.
    - Prodhim I faqeve të këpucëve e sandaleve, këpucëve të gatshme të të gjitha llojeve, tregtimi I tyre me shumicë e pakicë si dhe eksportimi I tyre.
    - Dhënie konsulence dhe kryerje e shërbimeve në lidhje me veprimtaritë e mësipërme.
    - Import-eksport, prodhimin dhe tregtimin e mobiljeve, divaneve dhe artikujve të tjerë të ngjashëm.
  11. Import-eksport dhe tregtimi me shumicë dhe pakicë të artikujve industriale veshmbathje, kancelarie, elektroshtepiakeve, të ndërtimit, guzhinës e të tjera të këtij lloji.
  12. Import-eksport prodhim konfeksionesh veshmbathje, dhe tregtimi I tyre me shumicë e pakicë.
  13. Realizimi i kontratave marëveshjeve, ortakërive, shoqërive të përbashkëta apo i formave të tjera të lejuara nga legjislacioni shqiptar me persona fizikë dhe juridike shqiptare apo të huaj për të realizuar operacione industriale tregtare dhe veprimtari të ndryshme që janë të nevojshme dhe në interes të shoqërisë.
- 8.2 Objekti i shoqërisë mund të zgjerohet ose ndryshojë me vendim të Asamblesë së Ortakut të Vetëm.

## **Neni 9** **Kapitali**

- 9.1 Kapitali themeltar është 100 ( njëqindë) lekë, i ndarë në 1 kuotë si më poshtë:
1. Z. Altin HILA, 1 kuotë me vlerë 100 (njëqindë) lekë dhe me pjesëmarje të 100% të kuotave të kapitalit.
- 9.2 Kapitali do të derdhet tërësisht me aktin e themelimit. Asambleja mund të marrë vendim për rritje të kapitalit, duke përcaktuar afatin, kushtet dhe modalitetet. Kapitali mund të shtohet nëpërmjet akordimit të pasurive në natyrë apo kredite.

Në interesin financiar të shoqërisë ortakut i vetëm mund të kryejnë derdhje pa interes në llogari kapitale, si edhe financime me apo pa interes, duke respektuar ligjin.

Shoqëria mund të procedoj me rimbursime të financimit, të pjesshme apo totale, mbledhjen e fondeve nga ortakët/u, me të drejtë rimbursimi, duhet të drejtohet ekskluzivisht subjekteve që janë në perputhje me kërkesat e ligjit dhe rregulloreve, sipas rregullave të autoriteteve përkatëse.

#### **Neni 10**

#### **Transferimi i pjesëve të kapitalit themeltar**

- 10.1 Pjesët e kapitalit themeltar mund të transferohen vetëm me akt noterial.
- 10.2 Pjesët e kapitalit mund t'u transferohen edhe të tretëve me vendim të ortakut të vetëm të shoqërisë. Pjesët e kapitalit transferohen në rrugë trashëgimnie pasi të jetë marrë vendimi i Ortakut të vetëm lidhur me kalimin e pjesëve të kapitalit tek trashëgimtarët.

#### **Neni 11**

#### **Zmadhimi / Zvogëlimi i kapitalit themeltar**

- 11.1 Ortaku i vetëm i shoqërisë mund të zmadhojë ose zvogëlojë kapitalin themeltar me vendim të tij. Zvogëlimi i kapitalit themeltar do të kryhet brenda kufijve të lejuar nga ligji.

#### **11.2 ORGANET E SHOQËRISË**

#### **Neni 12**

#### **Asambleja e Ortakut të Vetëm**

Asambleja e Ortakut të Vetëm është organi më i lartë vendimor i shoqërisë.

- 12.1 Asambleja e Ortakut të Vetëm drejton veprimtarinë e shoqërisë nëpërmjet marrjes së vendimeve. Mbledhjet e Asamblesë janë të zakonshme.

#### **Neni 13**

#### **Asambleja e Zakonshme**

- 13.1 Asambleja e zakonshme vendos në çdo rrethanë në emër të shoqërisë. Ajo merr të gjitha vendimet (emërimi dhe shkarkimi i administratorit/ëve, miratimin e bilancit të shoqërisë, etj.) me përjashtim të atyre vendimeve që në bazë të ligjit ose Statutit janë në kompetencë të Asambesë së Jashtëzakonshme.
- 13.2 Asambleja e zakonshme i merr vendimet nga ortakët e saj me 51% të votave.

#### **Neni 14**

#### **Thirrja dhe Përfaqësimi në Asamble**

Mbledhja e Asamblesë së Ortakut të Vetëm mund të thirret në çdo kohë nga:

- Administratori;

- Ortaku i Vetëm.
- E të tjerë konform ligjit

### Neni 15

#### **Njoftimi dhe Zhvillimi i Mbledhjeve**

- 15.1 Mbledhjet zhvillohen në selinë e shoqërisë ose në cdo vend tjetër të njoftuar nga administratori/njëri prej administratorëve.
- 15.2 Njoftimi kryhet me shkrim, me telegram, me leter rekomande, dhe postë tjetër të regjistruar, të paktën 15 ditë përpara datës së zhvillimit të mbledhjes dhe përmban datën, vendin, orën dhe rendin e ditës së mbledhjes.

### Neni 16

#### **Marrja e vendimeve**

- 16.1 Vendimet merren nga ortaket e saj me 51% te votave.

### Neni 17

#### **Administrimi**

- 17.1 Administrimi i shoqërisë kryhet nga një administrator ose nga një grup administratorësh që caktohet nga Asambleja e Ortakut Të Vetëm.
- 17.2 Administratori nuk është detyrimisht ortakë i shoqërisë.
- 17.3 Administratori ka të drejtë të përfaqësoj shoqërinë dhe të drejtoj punën e përditshme të shoqërisë në përputhje me udhëzimet e Asamblesë së Ortakut të Vetëm.
- 17.4 Administratori është solidarisht përgjegjës për veprimtaritë e mëposhtme:
  - drejtimin e veprimtarisë së përditshme të shoqërisë;
  - përfaqësimin e shoqërisë në marrëdhëniet me të tretët personalisht ose duke caktuar zëvendës.
  - përfaqësimin e shoqërisë në marrëdhëniet me të tretët personalisht ose duke caktuar zëvendës, veçanërisht në marrëdhëniet me bankat e nivelit të dytë dhe institucionet e tjera të kreditit, për hapjet e llogarive bankare dhe marrjen e kredive.
  - përgatitjen e mbledhjeve të Asambleve të Ortakut të Vetëm;
  - hartimin dhe mbajtjen e kontabilitetit vetë ose emërimin e një kontabilisti të miratuar ose të një eksperti kontabël;
  - përgatitjen e dokumenteve në emër të shoqërisë sipas kompetencave që ka;
  - lidh kontrata pune dhe i zgjidh ato sipas rastit;
  - Zhvillon veprimtari të tjera të cdo lloj natyre për të mirën e shoqërisë dhe realizimin e objektit të saj.
- 17.5 **Shoqëria do të administrohet nga administratori dhe njëkohësisht dhe ortak i vetëm z.Altin HILA i cili emerohet ne kete detyre per nje afat kohor prej 5(pese) vjet.**

### Neni 18

#### **Viti financiar**

- 18.1 Viti financiar i shoqërisë përputhet me vitin kalendarik, duke filluar në 1 janar dhe mbaron më 31 dhjetor.

**Neni 19**  
**Bilanci. Mbajtja e kontabilitetit**

- 19.1 Bilanci vjetor i Shoqërisë shqyrtohet në mbledhjet e Asamblesë së Ortakut të Vetëm dhe i paraqitet organeve tatimore deri në fund të muajit mars të vitit pasardhës.
- 19.2 Kontabiliteti mbahet në gjuhën dhe në monedhën Shqiptare. Shoqëria mund të ketë edhe llogari të vecanta në valutë.
- 19.3 Shoqëria mund të marrë financime nga ortaket, institucione financiare që operojnë në Shqipëri ose jashtë saj. Për këtë qëllim shoqëria mund të japë si garanci barrë mbi pjesët e kapitalit ose sende të paluajtshme, me autorizim të Asamblesë së Ortakut të Vetëm të Shoqërisë.

**Neni 20**  
**Të ardhurat. Dividendi**

- 20.1 Shoqëria do të krijojë fonde rezerve për realizimin e objektit të saj.
- 20.2 Të ardhurat që do të rezultojnë në fund të mbylljes së cdo ushtrimori, pas pagimit të tatimeve, mund të terhiqen nga ortaku i vetëm i shoqërisë.

**Neni 21**  
**Likuidimi**

- 21.1 Shoqëria do të hyjë në procesin e likuidimit, nëse:
- gjendja ekonomike në Shqipëri nuk do të lejojë vazhdimin e veprimtarisë së shoqërisë;
  - Asambleja e Ortakut të Vetëm, vendos të prishë shoqërinë.
- 21.2 Në mënyrë që të ndërmerret procedurat e likuidimit, Asambleja e Ortakut të Vetëm emëron një likuidator ose një grup likuidatorësh.
- 21.3 Likuidatori/likuidatorët raportojnë mbi gjendjen e zërave të aktivitetit dhe të pasivitetit të shoqërisë rreth operacioneve të mëtejshme të likuidimit dhe kohën që nevojitet për përfundimin e tij. Në fund të këtij procesi, Asambleja e Ortakut të Vetëm shqyrton bilancin përfundimtar dhe mbylljen e procedurës së likuidimit.

**Neni 22**  
**Dispozita mbyllëse**

- 22.1 Ky Statut hartohet në 5 (pesë) kopje me fuqi të njëjtë ligjore në gjuhën Shqipe, për tu depozituar në Qendrën Kombëtare të Biznesit e për tu shpërndarë në organet Kompetente dhe një kopje mbetet në dokumentacionin bazë të shoqërisë.

**ORTAKU I VETËM**

Dt. 16.07.2020 Altin HILA